

Na osnovu člana 25. Statuta Općine Stari Grad Sarajevo - Prečišćeni tekst ("Službene novine Kantona Sarajevo", broj 20/13) i člana 40. stav 4., 5. i 6. Zakona o dugu, zaduživanju i garancijama Federacije Bosne i Hercegovine ("Službene novine Federacije BiH", broj 86/07, 24/09 i 44/10), Općinsko vijeće Općine Stari Grad Sarajevo, na sjednici održanoj dana 25. januara 2018. godine, donijelo je

ODLUKU

O PRIHVATANJU ZADUŽENJA PO SPORAZUMU O ZAJMU IZMEĐU SAUDIJSKOG FONDA ZA RAZVOJ I BOSNE I HERCEGOVINE ZA PROJEKT "RAZVOJ INFRASTRUKTURE U OPĆINI STARI GRAD SARAJEVO"

I

Prihvata se zaduženje Općine Stari Grad Sarajevo prema Federaciji Bosne i Hercegovine po Sporazumu o zajmu između Saudijskog fonda za razvoj i Bosne i Hercegovine, za Projekat "Razvoj infrastrukture u Općini Stari Grad Sarajevo" (u daljem tekstu: Projekat) u iznosu od 30.000.000,00 SR, (SR - saudijski rijal), što je ekvivalent cca 8.062.000,00 USD.

II

Sredstva zajma iz tačke I. ove Odluke koristeće se za realizaciju Projekta "Razvoj infrastrukture u Općini Stari Grad Sarajevo" koji se sastoji od slijedećih podprojekata:

- Izgradnja i obnova parkirališta i prostora opće namjene,
- Obnova i izgradnja sportske dvorane škole Edhem Mulabdić,
- Obnova zgrade Općine Stari Grad Sarajevo,
- Završetak izgradnje i opremanje Općinske ambulante.

III

Sredstva zajma iz tačke I ove Odluke odobravaju se pod slijedećim uslovima:

- rok otplate 25 godina,
- grace period: 5 godina,
- kamatna stopa: 2% godišnje,
- dospjeća: polugodišnje, u jednakim otplatama glavnice,
- datumi plaćanja glavnice i kamata: 30. april i 30. oktobar svake godine,
- iz kreditnih sredstava ne mogu se plaćati carine, porezi i druge dažbine.

IV

Za potpisivanje posebnog Podugovora o zajmu za Projekat iz tačke I ove Odluke, između Federacije Bosne i Hercegovine (u daljem tekstu: Federacija) i Općine Stari Grad Sarajevo, ovlašćuje se Načelnik Općine Stari Grad Sarajevo.

Daje se ovlaštenje Općinskom načelniku da može poduzeti sve pravne radnje u cilju operacionalizacije sredstava zajma koje uključuju i formiranje Jedinice za implementaciju Projekta.

V

U svrhu redovne otplate kredita, Općine Stari Grad Sarajevo je saglasna da Federacija, u slučaju neredovnog ispunjenja obaveza po sporazumu, bez upozorenja može dospjele obaveze direktno naplatiti sa računa javnih prihoda, i to iz dijela prihoda koji pripadaju Općini Stari Grad Sarajevo.

Općina Stari Grad Sarajevo se obavezuje da će u svrhu naplate svih tražbina po sporazumu, Federaciji dostaviti bjanko mjenice, kojim Općina Stari Grad Sarajevo ovlašćuje Federaciju da primljene bjanko mjenice može koristiti za naplatu dospjelog potraživanja.

VI

U periodu realizacije zajma potrebno je osigurati dodatna sredstva iz budžeta Općine Stari Grad Sarajevo za plaćanje PDV-a prema dinamici realizacije projekta.

VII

Za realizaciju ove Odluke i izvještavanje zadužuje se Općina Stari Grad Sarajevo, u okviru svoje nadležnosti.

Ova Odluka dostavit će se Federalnom ministarstvu finansija-financija na dalje postupanje.

VIII

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 02-49-35/18
25. januara 2018. godine
Sarajevo

Predsjedavajući
Općinskog vijeća
Stari Grad Sarajevo
Dr. sci. **Jusuf Pušina**, s. r.

Na osnovu člana 7. stav 3. i člana 13a. stav 1. Zakona o investiranju javnih sredstava ("Službene novine Federacije BiH", broj 77/04 i 48/08), člana 10. i 25. Statuta Općine Stari Grad Sarajevo - Prečišćeni tekst ("Službene novine Kantona Sarajevo", broj 20/13) i člana 2. Pravilnika o investiranju javnih sredstava Općine Stari Grad Sarajevo ("Službene novine Kantona Sarajevo", broj 37/13), Općinsko vijeće Stari Grad Sarajevo, na sjednici održanoj dana 25. januara 2018. godine, donijelo je

ODLUKU

O IMENOVANJU INVESTICIONOG MENADŽERA OPĆINE STARI GRAD SARAJEVO ZA 2018. GODINU

I

IBRAHIM HADŽIBAŽIĆ, načelnik Općine Stari Grad Sarajevo, imenuje se za investicionog menadžera Općine Stari Grad Sarajevo za 2018. godinu.

II

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 02-49-37/18
25. januara 2018. godine
Sarajevo

Predsjedavajući
Općinskog vijeća
Stari Grad Sarajevo
Dr. sci. **Jusuf Pušina**, s. r.

Na osnovu člana 10. Zakona o cestama Federacije Bosne i Hercegovine ("Službene novine Federacije BiH", broj 12/10) i člana 25. Statuta Općine Stari Grad Sarajevo ("Službene novine Kantona Sarajevo", broj 20/13) - Prečišćeni tekst, Općinsko vijeće Stari Grad, na sjednici održanoj dana 28.12.2017. godine, a kao prethodno pitanje u predmetu rješavanja imovinsko pravnih odnosa za izgradnju sportskog igrališta za košarku sa pratećim sadržajima za potrebe istog u ulici Nadmlini bb, po zahtjevu Općinskog pravobranilaštva Općine Stari Grad, donosi

ODLUKU

O GUBITKU STATUSA JAVNOG DOBRA U OPĆOJ UPOTREBI

Član 1.

Utvrđuje se da je izgubilo status javnog dobra u općoj upotrebi zemljište upisano u Iskaz a označeno kao k.č. 346 nastala od k.č. 2, z.k. ul. 174, k.o. Sarajevo-Mahala XCVII u površini od 16 m².

Član 2.

Zemljišno-knjižno odjeljenje Općinskog suda u Sarajevu će na zemljištu iz tačke 1. Odluke brisati status nekretnine upisane u zemljišnoj knjizi kao Iskaz po kulturi ulica u površini od 16 m², te upisati kulturu gradilište, državno vlasništvo, a kao nosioca prava raspolaganja upisati Općinu Stari Grad Sarajevo sa 1/1 dijela.

Matična parcela k.č. 2 u preostaloj površini od 10514 m², te k.č. 163, k.č. 197, k.č. 267, k.č. 280 i k.č. 281, ostatak će i dalje upisane kao Iskaz javno dobro, te će svi opstali upisi u zk. ul. 174 ko Sarajevo-mahala XCVII ostati neizmijenjeni.

Član 3.

Aktom Kantonalnog Zavoda za zaštitu kulturno-historijskog i prirodnog naslijeđa Sarajevo broj Z-20-731/17 od 06.06.2017. godine dato je pozitivno mišljenje na Idejni projekat terena za uličnu košarku u ulici Nadmlini bb, obzirom da isti ne narušava historijsko mjerilo i ne devastira ambijent.